



# SLUŽBENI GLASNIK GRADA VISOKO

GODINA LVI

Visoko, PETAK 03. juni 2022. godine

BROJ 5

44.

Na osnovu člana 21. Statuta Grada Visoko («Službeni glasnik Grada Visoko», broj 10/21), Gradsko vijeće Visoko, na 18.sjednici, održanoj 31.05.2022.godine, donijelo je

**ODLUKU O IZMJENAMA I  
DOPUNAMA PROGRAMA KAPITALNIH  
ULAGANJA U INFRASTRUKTURU IZ  
BUDŽETA GRADA VISOKO I  
KAPITALNIH ULAGANJA VIŠIH NIVOVA  
VLASTI ZA 2022. GODINU  
(cestovna infrastruktura, javna  
rasvjeta, vodovodna, kanalizaciona mreža i  
ostali projekti)**

**Član 1.**

U Programu kapitalnih ulaganja u infrastrukturu iz Budžeta Grada Visoko i kapitalnih ulaganja viših nivoa vlasti za 2022.godinu (cestovna infrastruktura, javna rasvjeta, mostovi, vodovodna, kanalizaciona mreža i ostali projekti) ("Službeni glasnik Grada Visoko" broj 13/21 i 3/22) planirane pozicije mijenjaju se i glase:

- U tabeli A) Projekti koji se finansiraju direktno iz budžeta Grada Visoko redni broj 5. Sanacija i održavanje lokalnog puta od džamije u Donjem Moštru do željezničke pruge planiran u iznosu 250.000,00KM mijenja se i glasi: 5. Sanacija i održavanje lokalnog puta od džamije u Donjem Moštru do željezničke pruge u iznosu 300.000,00 KM
- U tabeli A) Projekti koji se finansiraju direktno iz budžeta Grada Visoko redni broj 10. Sanacija i održavanje lokalnog puta u ulici Aleja Šehida Resula planiran u iznosu 200.000,00KM mijenja se i glasi: 10. Sanacija i održavanje lokalnog puta u ulici Aleja Šehida Resula u iznosu 400.000,00KM
- U tabeli A) Projekti koji se finansiraju direktno iz budžeta Grada Visoko redni broj 11. Sanacija i održavanje lokalnog puta u ulici Novobrdaska faza II MZ Stari Grad u iznosu od 50.000,00KM mijenja se i glasi 11. Sanacija i održavanje lokalnog puta u ulici Muftije Numanagića MZ Stari Grad u iznosu 170.000,00KM
- U tabeli A) Projekti koji se finansiraju direktno iz budžeta Grada Visoko redni broj 15. Sanacija i održavanje lokalnog puta u naselju Taukčići planiran u iznosu 25.000,00KM mijenja se i glasi 15. Sanacija i održavanje lokalnog puta u naselju Taukčići u iznosu 50.000,00KM
- U tabeli A) Projekti koji se finansiraju direktno iz budžeta Grada Visoko pozicija pod rednim brojem 24. Sanacija i održavanje lokalnog puta Donji Orašac - Donji Kološići u MZ Orašac planiran u iznosu 60.000,00KM mijenja se i glasi: 24. Sanacija i održavanje lokalnog puta Donji Orašac - Donji Kološići u MZ Orašac u iznosu 100.000,00KM
- U tabeli A) Projekti koji se finansiraju direktno iz budžeta Grada Visoko redni broj 25. Sanacija i održavanje nekategorisanog puta kroz naselje Orašac - Čakalovići u iznosu 40.000,00KM se briše.
- U tabeli A) Projekti koji se finansiraju direktno iz budžeta Grada Visoko redni broj 41. Sanacija i održavanje lokalnog Puta u ulicama Hadžijina voda, Kožarska i Basamaci, MZ Rosulje, planiran u iznosu 395.000,00KM se briše.
- U tabeli A) Projekti koji se finansiraju direktno iz budžeta Grada Visoko nakon brisanja rednih brojeva 25. i 41. Mijenja se numeracija za sve ostale projekte od 26 do 40 umanjujući za jedan, od 42 do 47 umanjujući za dva broja numeracije.

**Član 2.**

Ova Odluka stupa na snagu danom objavljivanja u "Službenom glasniku Grada Visoko".

Broj: 02/1-02-182/22  
31.05.2022. godine  
V i s o k o

PREDSJEDAVALAČI  
Gradskog vijeća Visoko  
Nikola Pekić, s.r.

**45.**

Na osnovu člana 60. Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, broj: 45/10, 111/12 i 20/17) i člana 21. stav 1. tačka 2. Statuta Grada Visoko (Službeni glasnik Grada Visoko“ broj: 10/21 Gradsko vijeće Visoko, na 18. sjednici održanoj, dana 31.05.2022. godine, donijelo je:

**ODLUKU****o plaćama i naknadama u gradskom organu  
uprave Grada Visoko****I OSNOVNE ODREDBE****Član 1.****Predmet Odluke**

Ovom Odlukom uređuju se plaće, naknade i dodaci na plaću nosioca izvršne funkcije i savjetnika, Gradskog pravobranioca, državnih službenika i namještenika u gradskom organu uprave Grada Visoko (u daljem tekstu: organ uprave).

**Član 2.****Definicije pojmova korištenih u Odluci**

Pojmovi korišteni u Odluci imaju sljedeća značenja:

1. »nosilac izvršne funkcije» u smislu ove Odluke je rukovodilac organa uprave (gradonačelnik),
2. »savjetnici» u smislu ove Odluke smatraju se savjetnici rukovodioca organa uprave (gradonačelnika),
3. «organ uprave» u smislu ove Odluke predstavlja organ gradske uprave Grada Visoko,
4. »radno mjesto» je pozicija utvrđena Pravilnikom o unutrašnjoj organizaciji gradskih službi na koju se postavlja

državni službenik i namještenik za vršenje poslova utvrđenih za to radno mjesto,

5. »platni razred» predstavlja razvrstavanje radnih mjesta utvrđenih u Pravilniku o unutrašnjoj organizaciji gradskih službi u određene pozicije radi određivanja iznosa osnovne plaće državnog službenika i namještenika,
6. »koeficijent» predstavlja brojčanu vrijednost koja se iskazuje arapskim brojevima za svaku poziciju radnog mjesta koje su razvrstane u platne razrede organa uprave i služi za utvrđivanje visini osnovne plaće,
7. »osnovica za obračun plaće» predstavlja novčani iznos u konvertibilnim markama (u daljem tekstu: KM) koji se koristi za određivanje osnovne plaće.

**Član 3.****Načela za utvrđivanje visine plaće**

Pri određivanju iznosa plaća i naknada za zaposlene u organu uprave poštivat će se sljedeća načela:

1. Ista plaća za isto radno mjesto: prema ovom načelu zaposleni u gradskoj upravi koji obavljaju poslove istog radnog mjesta, odnosno iste ili slične poslove imaju pravo na istu osnovnu plaću po vrsti i stepenu stručne spreme.
2. Transparentnost: u skladu sa ovim načelom, prilikom raspisivanja javnih konkursa i oglasa za popunjavanje radnih mjesta obavezno se objavljuje podatak o pripadajućem koeficijentu za oglašeno radno mjesto.
3. Fiskalna odgovornost: u skladu sa ovim principom, utvrđivanje i isplata bruto plaća i naknada korisnicima prava koje tretira ova Odluka na osnovu utvrđene osnovice može se vršiti samo do visine planiranih sredstava u Budžetu organa uprave za te namjene.

**Član 4.****Budžetsko osiguranje sredstava  
za plaće i naknade**

Finansijska sredstva za plaće i naknade i druga primanja nosioca izvršne funkcije i savjetnika, Gradskog pravobranioca, državnih službenika i namještenika u gradskoj upravi,

predviđena ovom Odlukom planiraju se i osiguravaju u Budžetu Grada Visoko.

### Član 5.

#### Način utvrđivanja osnovice za obračun plaće

Osnovica za obračun plaća utvrđuje se odlukom Gradskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

Pored osnovice za obračun plaća prilikom obračuna plaće koristit će se i bod za obračun plaće koji se utvrđuje odlukom Gradskog vijeća o izvršenju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

Utvrđivanje osnovice i bodova vrši se u pregovorima sa reprezentativnim sindikatom, a prije usvajanja odluke iz stava 1 ovog člana. Ukoliko se ne postigne dogovor, Gradsko vijeće će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.

Prilikom utvrđivanja osnovice i boda za obračun plaće iz stava 1. i 2. ovog člana uzet će se u obzir projekcije budžeta za narednu godinu kao i kretanja BDP i indeksa potrošačkih cijena, a prema podacima Federalnog zavoda za statistiku.

Isplate mjesečnih novčanih primanja, izvršene u skladu sa odredbama ove Odluke su definitivne i konačne.

### Član 6.

#### Utvrđivanje osnovne plaće

Osnovna plaća se utvrđuje množenjem osnovice za plaću iz člana 5. ove Odluke i boda za obračun plaće sa utvrđenim koeficijentom platnog razreda i tako se utvrđeni iznos uvećava se za 0,5% za svaku započetu godinu penzijskog staža, a najviše do 20%

Osnovna plaća ne može biti manja od 70% prosječne neto plaće isplaćene u Federaciji prema posljednjem objavljenom statističkom podatku.

U slučaju da množenjem utvrđene osnovice i boda za obračun plaće i pripadajućeg koeficijenta platnog razreda osnovna plaća iznosi manje od 70% prosječne plaće,

zaposleniku će se isplatiti plaća u navedenom postotku.

Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

Ukoliko zaposlenik radi sa nepunim radnim vremenom, u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.

Puno radno vrijeme zaposlenih je 40 sati sedmično.

## II PLAĆE I NAKNADE NOSIOCA IZVRŠNE FUNKCIJE, SAVJETNIKA I GRADSKOG PRAVOBRANIOCA

### 1. Plaća

#### Član 7.

#### Vrijeme ostvarivanja prava na plaću

Nosilac izvršne funkcije, savjetnici i Gradski pravobranilac u obavljanju svoje dužnosti imaju pravo na plaću.

Nosilac izvršne funkcije, pravo na plaću iz stava 1. ovog člana, ostvaruje danom stupanja na dužnost u skladu sa propisima o izboru i imenovanju.

Savjetnici pravo na plaću ostvaruju danom postavljanja na radno mjesto.

Gradski pravobranilac pravo na plaću iz stava 1. ovog člana ostvaruje danom imenovanja.

#### Član 8

#### Platni razredi i koeficijenti za nosioca izvršne funkcije, savjetnika i Gradskog pravobranioca

Platni razred	Radno mjesto	Koeficijent
I	Rukovodilac organa uprave	10,00
II	Gradski pravobranilac	7,60
III	Zamjenik Gradskog pravobranioca	7,00
IV	Savjetnik	6,40

Osnovna plaća nosioca izvršne funkcije, savjetnika i Gradskog pravobranioca utvrđuje se prema članu 6. ove Odluke.

## 2. Naknade

### Član 9.

#### Naknada plaće zbog bolesti ili povrede

Za prvih 42 dana odsutnosti s posla zbog bolesti ili povrede, nosilac izvršne funkcije i savjetnici imaju pravo na naknadu plaće u visini plaće koju je ostvario za prethodni mjesec.

Lica iz stava 1. ovog člana imaju pravo na naknadu plaće u visini od 70% plaće koju je ostvario za prethodni mjesec prije odsutnosti s posla zbog bolesti ili povrede, za odsutnost s posla duže od 42 dana, a najduže 12 mjeseci odnosno do kraja mandata. Lica iz stava 1. ovog člana imaju pravo na naknadu plaće u punom iznosu koju su ostvarili za prethodni mjesec, ako je do odsutnosti s posla došlo iz razloga povrede na radu.

### Član 10.

#### Naknada za troškove ishrane-topli obrok

Nosilac izvršne funkcije, savjetnici i Gradski pravobranilac imaju pravo na naknadu troškova ishrane (topli obrok) u visini od 1% prosječne mjesečne neto plaće isplaćene u Federaciji Bosne i Hercegovine prema posljednjem objavljenom statističkom podatku.

Naknada iz stava 1. ovog člana neće se obračunavati za vrijeme odsutnosti s posla po bilo kojem osnovu (godišnji odmor, bolovanje i službeni put).

### Član 11.

#### Naknada za godišnji odmor i plaćeni dopust

Nosilac izvršne funkcije, savjetnici i Gradski pravobranilac imaju pravo na naknadu za vrijeme godišnjeg odmora (regres) u visini 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku i naknadu za plaćeni dopust u dužini od 30 dana u visini svoje neto plaće iz prethodnog mjeseca.

### Član 12.

#### Naknada za slučaj smrti, teške bolesti i invalidnosti

Naknadu za slučaj smrti, teške bolesti i invalidnosti nosilac izvršne funkcije, savjetnici i Gradski pravobranilac ostvaruju na način i pod

uslovima utvrđenim u čl. 31. i 32. ove Odluke za državne službenike i namještenike u gradskom organu uprave.

### Član 13.

#### Otpremnina

Nosilac izvršne funkcije, savjetnici i Gradski pravobranilac imaju pravo na isplatu otpremnine prilikom odlaska u penziju u iznosu od pet njegovih prosječnih plaća isplaćenih u prethodnih pet mjeseci.

### Član 14.

#### Naknada troškova za službeno putovanje

Nosilac izvršne funkcije, savjetnici i Gradski pravobranilac upućeni na službeno putovanje imaju pravo na naknadu troškova dnevnice, noćenja, prevoza i ostalih izdataka nastalih u vezi sa službenim putovanjem.

Službenim putovanjem, u smislu ove Odluke, smatra se obavljanje poslova izvan sjedišta institucije u kome nosilac izvršne funkcije, savjetnici i Gradski pravobranilac obavljaju svoju funkciju.

Visina dnevnica i drugih troškova službenih putovanja i način njihovog obračuna utvrdit će se aktom rukovodioca organa uprave.

## III PLAĆE I NAKNADE DRŽAVNIH SLUŽBENIKA I NAMJEŠTENIKA

### 1.Osnovna plaća

### Član 15.

#### Određivanje plaće prema radnom mjestu

Državni službenik i namještenik u gradskom organu uprave ima pravo na plaću koja odgovara radnom mjestu na koje je državni službenik i namještenik postavljen odnosno raspoređen.

### Član 16.

#### Bruto i neto plaća

Plaća državnog službenika i namještenika utvrđuje se u bruto i neto iznosu.

Plaća u bruto iznosu obuhvata neto plaću, poreze i doprinose.

Gradonačelnik će propisati obrazac, izgled liste i način prikaza obračuna plaće.

**Član 17.**  
**Platni razredi i koeficijenti za**  
**državne službenike**

Platni razred	Radno mjesto	Koeficijent
I	Sekretar gradske uprave	6,50
II	Pomoćnik gradonačelnika, Sekretar Gradskog vijeća, Rukovodilac Službe interne revizije	5,70
III	Interni revizor	5,20
IV	Šef odsjeka, Rukovodilac Službe Kabineta gradonačelnika	4,50
V	Inspektor	4,30
VI	Stručni savjetnik	4,10
VII	Viši stručni saradnik	3,90
VIII	Stručni saradnik	3,70

Osnovna plaća lica iz stava 1. ovog člana utvrđuje se prema članu 6. ove Odluke.

**Član 18.**  
**Platni razredi i koeficijenti za namještenike**

Platni razred	Radno mjesto	Koeficijent
I	šef unutrašnje organizacijske jedinice (VŠS)	3,20
II	viši samostalni referent (VŠS)	3,10
III	samostalni referent (VŠS)	3,00
IV	šef unutrašnje organizacijske jedinice (SSS)	2,80
V	viši referent (SSS) i VKV radnik	2,70
VI	referent (SSS) i KV radnik III i IV stepena	2,60
VII	pomoćni radnik i nekvalifikovani radnik (NK radnik)	1,85

Osnovna plaća lica iz stava 1. ovog člana utvrđuje se prema članu 6. ove Odluke.

**2. Dodaci na plaću**

**Član 19.**  
**Vrste dodatka na plaću**

Državni službenik i namještenik ima pravo na dodatke na plaću koji su utvrđeni u odredbama člana 20. ove Odluke.

Dodaci na plaću iz stava 1. ovog člana čine sastvni dio osnovne plaće.

**Član 20.**  
**Dodatak na plaću po osnovu**  
**posebnih uslova rada**

Dodatak na plaću po osnovu posebnih uslova rada iznosi:

- a) za inspektore od 20% do 30% od osnovne plaće;
- b) za vatrogasce do 30% od osnovne plaće;
- c) za ostale poslove koji se vrše pod posebnim uslovima određeni posebnim zakonom za dodatak na plaću se određuju u skladu s tim zakonom od 10% do 20%.

Poseban dodatak iz stava 1. ovog člana obračunava se na osnovnu plaću bez dijela plaće po osnovu radnog staža i čini sastvni dio plaće.

Visina dodatka na plaću po osnovu posebnih uslova rada iz stava 1. ovog člana utvrđuje se u Pravilniku o plaćama i naknadama koji donosi rukovodilac organa uprave u skladu sa kriterijima utvrđenim u kolektivnom ugovoru.

Rukovodilac organa uprave će u Pravilniku o plaćama i naknadama predvidjeti dodatke na plaću državnim službenicima koji imaju naučne stepene magistra i doktora nauka ako izvršavanje poslova zahtijeva takve kvalifikacije.

**3. Naknade**

**Član 21.**  
**Vrste naknada**

Državni službenik i namještenik ima pravo na naknade utvrđene u odredbama od čl. 22. do 35. ove Odluke.

**Član 22.**  
**Naknada za prekovremeni rad, rad u neradne**  
**dane, noćni rad i rad u dane državnih**  
**praznika**

U slučaju prekovremenog rada, rada u neradne dane, noćnog rada ili rada u dane državnih praznika, državni službenik i namještenik ima pravo na naknadu osnovne plaće, razmjerno vremenu trajanja tog rada, uvećanom za postotak utvrđen kolektivnim ugovorom.

Visina naknade i uslovi za ostvarivanje naknade utvrdit će se aktom rukovodiova organa uprave.

Obračun naknade iz stava (1) ovog člana vrši se od osnovne plaće bez dijela plaće po osnovu penzijskog staža. Naknada iz ovog člana čini sastavni dio plaće.

#### **Član 23. Plaćeni dopust**

Državni službenik i namještenik ima pravo na plaćeni dopust u dužini od 30 dana u visini svoje neto plaće iz prethodnog mjeseca.

#### **Član 24. Naknada za ishranu tokom rada**

Državni službenik i namještenik ima pravo na novčanu naknadu za ishranu u toku rada (topli obrok), u visini 1% prosječne neto plaće isplaćene u Federaciji Bosne i Hercegovine po zadnjem statističkom podatku.

#### **Član 25. Regres za godišnji odmor**

Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku.

Pravo na regres iz stava 1. ovog člana ima svaki državni službenik i namještenik koji u toku tekuće kalendarske godine ima pravo na godišnji odmor.

#### **Član 26. Naknada za bolovanje**

Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.

Naknada plaće za bolovanje preko 42 dana iz stava 1. ovog člana ostvaruje se po propisu kantona kojim se uređuje naknada za ovo bolovanje, s tim da razliku pune plaće isplaćuje organ gradske uprave.

#### **Član 27.**

##### **Naknada za porodijski dopust**

Državni službenik i namještenik za vrijeme porodijskog dopusta ima pravo na naknadu plaće prema propisima kantona kojim se uređuje ova oblast, prema mjestu uplate doprinosa s tim da razliku do visine pune plaće uplaćuje organ gradske uprave.

#### **Član 28.**

##### **Naknada za službeno putovanje**

Državni službenik i namještenik ima pravo na naknadu za troškove službenog putovanja na području Federacije Bosne i Hercegovine, odnosno Bosne i Hercegovine, kao i za putovanja u inostranstvo, na koje se upućuju na izvršenje službenog zadatka.

Visina i način ostvarivanja naknade iz stava 1. ovog člana utvrđuje se Pravilnikom o naknadama troškova za službena putovanja koji donosi rukovodilac organa uprave.

#### **Član 29.**

##### **Naknada za prevoz na posao i s posla**

Državnom službeniku i namješteniku kome nije organizovan službeni prevoz na posao i s posla, a čije je mjesto stanovanja od mjesta rada udaljeno najmanje 3 km, pripada naknada za troškove prevoza u visini mjesečne karte gradskog, prigradskog i međugradskog saobraćaja.

U međugradski saobraćaj spadaju mjesta koja su udaljena od mjesta rada do 70 km.

#### **Član 30.**

##### **Naknada za odvojeni život od porodice i smještaj u mjestu rada**

Rukovodeći državni službenici čije je mjesto prebivališta udaljeno više od 70 km od mjesta organa državne službe u kojem vrši službenu dužnost imaju pravo na naknadu troškova za odvojeni život od porodice i naknadu troškova smještaja u mjestu rada čiju visinu i način ostvarivanja utvrđuje Gradonačelnik.

Državni službenici i namještenici čije je mjesto prebivališta udaljeno više od 70 km od mjesta organa državne službe u kojem vrši službenu dužnost imaju pravo na naknadu

troškova smještaja u mjestu rada čiju visinu i način ostvarivanja utvrđuje rukovodilac organa uprave.

### **Član 31.**

#### **Naknada za slučaj povrede na radu, teške bolesti i invalidnosti**

U slučaju povrede na radu, teške bolesti ili invalidnosti državnog službenika ili namještenika ili člana njegove uže porodice, isplaćuje se jednokratna novčana pomoć u visini od jedne prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

### **Član 32.**

#### **Naknada za slučaj smrti i pravo na osiguranje od posljedica nesretnog slučaja**

U slučaju smrti državnog službenika, odnosno namještenika, članovima njegove uže porodice se isplaćuju troškovi sahrane u visini od četiri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

Naknada u slučaju smrti člana uže porodice isplaćuje se državnom službeniku i namješteniku u visini od dvije prosječne neto plaće isplaćene u Federaciji BiH prema zadnjem objavljenom statističkom podatku.

Članom uže porodice državnog službenika ili namještenika smatraju se:

- bračni i vanbračni drug ako žive u zajedničkom domaćinstvu;
- dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina odnosno do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob),
- roditelji (otac, majka, očuh, maćeha i usvojitelji),
- braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uslovom da s njima živi u zajedničkom domaćinstvu i;

- unučad ako nemaju roditelja i žive u zajedničkom domaćinstvu s državnim službenikom ili namještenikom.

Ukoliko u organu državne službe istog nivoa vlasti rade dva ili više članova porodice, troškovi sahrane iz stava 1.i 2. ovog člana se isplaćuju samo jednom zaposlenom članu porodice.

Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organima državne službe.

Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.

Ugovor o osiguranju sa odgovarajućom osiguravajućom kućom zaključuje rukovodilac organa uprave za sve državne službenike i namještenike zaposlene u organu uprave u skladu sa kolektivnim ugovorom.

### **Član 33.**

#### **Otpremnina**

Državni službenik i namještenik ima pravo na otpremninu pri odlasku u penziju u visini svoje tri ostvarene prosječne neto plaće isplaćene u prethodnih pet mjeseci.

### **Član 34.**

#### **Naknada u slučaju prekobrojnosti**

U slučaju prestanka radnog odnosa državnog službenika, odnosno namještenika zbog prekobrojnosti, državni službenik, odnosno namještenik ima pravo na naknadu u iznosu:

- a) za radni staž do 10 godina, naknada iznosi tri neto plaće državnog službenika odnosno namještenika.
- b) za radni staž od 11 do 30 godina, naknada iznosi šest neto plaća državnog službenika odnosno namještenika.
- c) za radni staž preko 30 godina, naknada iznosi deset neto plaća državnog službenika odnosno namještenika.

**Član 35.****Naknada za rad u komisijama**

Članovi komisija koje se formiraju na osnovu rješenja rukovodioca organa uprave, a čije je osnivanje predviđeno zakonom imaju pravo na maksimalnu mjesečnu naknadu za rad u komisiji do visine jedne i pol (1,5) osnovice iz člana 5. ove Odluke.

Tačan iznos odnosno visinu naknade za rad svojim rješenjem utvrđuje rukovodilac organa uprave za svaku pojedinačnu komisiju.

Naknade za rad u komisijama iz stava 1. ovog člana, a koje se finansiraju od uplata fizičkih ili pravnih lica, ne ulaze u ograničenje iz stava 1. ovog člana.

Naknada za rad u komisijama ne pripada uposlenicima gradske uprave ukoliko komisije zasjedaju, rade u utvrđenom radnom vremenu.

**Član 36.****Propis o uslovima i postupku ostvarivanja naknada**

Postupak ostvarivanja prava na naknade i visinu tih naknada, u skladu sa ovom Odlukom, utvrđuje rukovodilac organa uprave uz konsultaciju sa sindikatom.

**4. Plaće za pripravnike i naknade za volontere****Član 37.****Visina plaće za pripravnike**

Plaća pripravnika visoke, više i srednje stručne spreme u gradskom organu uprave Visoko utvrđuje se u iznosu, i to:

- a) za visoku školsku spremu u iznosu od 80% od početne osnovne plaće utvrđene za radno mjesto stručnog saradnika;
- b) za višu školsku spremu u iznosu od 80% od početne osnovne plaće utvrđene za radno mjesto samostalnog referenta;
- c) za srednju stručnu spremu u iznosu od 80% od početne osnovne plaće utvrđene za radno mjesto referenta.

Početna osnovna plaća iz stava 1. ovog člana predstavlja samo iznos plaće bez dijela plaće po osnovu penzijskog staža.

**Član 38.****Visina naknade za volontere**

Lica na stručnom osposobljavanju bez zasnivanja radnog odnosa (volonteri) visoke, više i srednje stručne spreme u organu gradske uprave imaju pravo na naknadu, i to:

- a) za visoku školsku spremu u iznosu od 35% od osnovne plaće stručnog saradnika;
- b) za višu školsku spremu u iznosu od 35% od osnovne plaće samostalnog referenta;
- c) za srednju stručnu spremu u iznosu od 35% od osnovne plaće referenta.

Visina naknade iz stava 1. ovog člana određuje se od osnovne plaće odgovarajuće stručne spreme.

**5. Obračun i isplata plaće****Član 39.****Način obračuna i isplate plaće**

Plaća se obračunava za jedan mjesec unatrag, a isplaćuje za prethodni mjesec u skladu sa Odlukom o izvršenju Budžeta Grada Visoko.

Plaća iz stava 1. ovog člana utvrđuje se rješenjem koje donosi rukovodilac organa uprave, a sadrži: lične podatke državnog službenika i namještenika, radno mjesto na koje je postavljen odnosno raspoređen, platni razred i sve elemente koji su uzeti u obzir za utvrđivanje visine plaće.

Podaci o plaćama državnih službenika i namještenika su javni.

Sve izmjene u visini plaće vrše se rješenjem kojeg donosi rukovodilac organa uprave, a sve u skladu sa odredbama ove Odluke.

**Član 40.****Donošenje Pravilnika o plaćama i naknadama**

Rukovodilac organa uprave je dužan donijeti Pravilnik o plaćama i naknadama u gradskom organu uprave u skladu s odredbama ove Odluke i Pravilnikom o unutrašnjoj organizaciji gradskih službi.

Pravilnik iz stava 1. ovog člana donosi se uz prethodno pribavljeno mišljenje sindikata.



**IV NADZOR NAD PRIMJENOM OVE ODLUKE****Član 41.****Organ nadležan za vršenje nadzora**

Nadzor nad primjenom ove odluke vrši Služba za finansije, privredu, poslovne prostore i ekonomski razvoj Grada Visoko.

**V PRELAZNE I ZAVRŠNE ODREDBE****Član 42.**

Danom stupanja na snagu ove Odluke prestaje da važi: Odluka o plaćama i naknadama u Jedinственном općinskom organu uprave Općine Visoko, („Službeni glasnik Općine Visoko, broj 7/13).

**Član 43.**

Za sva pitanja iz ove oblasti, a koja eventualno nisu regulisana, primjenjivat će se odredbe Zakona o plaćama i naknadama u organima vlasti Federacije Bosne i Hercegovine ("Službene novine Federacije Bosne i Hercegovine", broj: 45/10 i 111/12 i 20/17) i Kolektivnog ugovora za službenike organa uprave i sudske vlasti u Federaciji FBiH („Službene novine FBiH “ broj: 6/20, 11/21 i 5/22) i („Službene novine Ze-do kantona “, broj: 3/22).

**Član 44.****Stupanje na snagu**

Ova Odluka stupa na snagu danom objavljivanja u "Službenom glasniku Grada Visoko".

**Broj: 02/1-02-183/22**  
**31.05.2022. godine**  
**V i s o k o**

**PREDSJEDAVAJUĆI**  
**Gradskog vijeća Visoko**  
**Nikola Pekić, s.r.**

Visoko", broj 10/21), Gradsko vijeće Visoko, na 18. sjednici, održanoj 31.05.2022.godine, donijelo je:

**ODLUKU****o prodaji nekretnine k.č. 2109 KO Visoko****Član1.**

Gradsko vijeće Visoko prodaje u postupku neposredne pogodbe u svrhu oblikovanja građevinske čestice Novokmet (Nezir) Mahiru iz Visokog parcelu k.č. 2109 KO Visoko, zvana "Ul. Ševulje" - dvorište, ukupne površine 127 m2, sa upisanim pravom raspolaganja u korist Općine Visoko, udio 1/1, na kojoj je sagrađen stambeno - poslovni objekat i izdato Rješenje o urbanističkoj saglasnosti, broj: 03/1-19-2-183/21 od 16.11.2021.godine.

**Član 2.**

Gradsko vijeće ovlašćuje Gradonačelnika, Ganić Mirzu da može zaključiti ugovor o kupoprodaji nekretnina i prenosu prava vlasništva na parceli k.č. 2109, KO Visoko čija tržišna vrijednost iznosi 8.890,00 KM sa kupcem Novokmet (Nezir) Mahirom iz Visokog.

**Član 3.**

Troškove notarske obrade, obavezu plaćanja poreza na promet nekretnina kao i sve druge troškove snosi kupac.

**Član 4.**

Ova Odluka stupa na snagu danom objave u "Službenom glasniku Grada Visoko".

**Broj: 02/1-02-184/22**  
**31.05.2022. godine**  
**V i s o k o**

**PREDSJEDAVAJUĆI**  
**Gradskog vijeća Visoko**  
**Nikola Pekić, s.r.**

46.

Na osnovu člana 22. i 363. stav 3. tačka 5. Zakona o stvarnim pravima ("Službene novine Federacije Bosne i Hercegovine", br. 66/13 i 100/13), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06) i člana 21. Statuta Grada Visoko ("Službeni glasnik Grada

S A D R Ž A J		Strana
<b>I GRADSKO VIJEĆE VISOKO</b>		
<b>44.</b>	Odluka o izmjenama i dopunama programa kapitalnih ulaganja u infrastrukturu iz Budžeta Grada Visoko i kapitalnih ulaganja viših nivoa vlasti za 2022. godinu (cestovna infrastruktura, javna rasvjeta, vodovodna, kanalizaciona mreža i ostali projekti)	<b>1</b>
<b>45.</b>	Odluka o plaćama i naknadama u Gradskom organu uprave Grada Visoko	<b>2</b>
<b>46.</b>	Odluka o prodaji nekretnine k.č. 2109 KO Visoko	<b>9</b>

**Izdavač:** Grad Visoko, ul. Alije Izetbegovića br. 12A, Visoko

**Uređuje:** Muhamed Halilbegović, viši stručni saradnik

**Glavni i odgovorni urednik:** Zekija Omerbegović, sekretar Gradskog vijeća, **Telefon:** 032/732-502

**Štampa:** Grafički obrt „REMIX“ Visoko, **Telefon:** +387 32 746 038, **Mob:** +387 61 780 698